

S'Amministratzione Comunale 'e Puttumajore, cun s'istrina de sa Regione Sarda Assessoradu a sa Cultura e S'Associazione Culturale Intercomunale ISPERAS, cun s'intentu de diffender e diffunder sa limba e sa cultura Sarda

DAN SU BANDU

Pro s'annu 2013 de sa **IX** editzione de su **Premiu biennale 'e Poesia "Poete Jorzi Pinna 1902-1970"**

REGULAS:

Su Cuncursu est abbertu a tottu sas poesias ineditas, mai imprentadas ne premiadas in atteros cuncursos, iscrittas in tottu sas variantes de sa Limba Sarda. Pro motivos ligados a iscopos de publicatzione est agradessida sa tradutzione in italianu.

Sas operas, iscrittas in jaru e presentadas in 7 copias, deven esser frimmadas cun d-unu nomen inventadu o paralumen e inserradas in d-una busta manna chi a foras devet tenner su matessi sinnu.

Intro sa busta manna devet esser posta una busta minore cun sos indicos de s'autore, de 'ue 'istat cun su numeru 'e telefono e imbiadas solu pro posta a s'indiritzu de: **Sig.ra PIETRINA CAPPAL Via Grande nr. 83 - POZZOMAGGIORE (SS)**, intro su 25 de Maggiu 2013. Iscrier in foras de sa busta sa sezione seberada, A - B - C.

Sos datos personales de sos cuncurrentes 'enin impreados solu pro s'iscopu ch'interessat su Cuncursu.

Su premiu est divisu in tres setziones:

Setz. A Poesia in Rima (non pius de 42 versos);

Setz. B Poesia in Versos Iscioltos (non pius de 40 versos);

Setz. C Poesia de amore in rima o in versos iscioltos (non pius de 40 versos).

Setz. “Inz. Tinuccio Manca”. Intro de sas tres setziones han a benner seberadas e premiadas, a judisciu 'e sa giuria, tres poesias chi a parrer issoro sun sas mezus, cumpostas ed imbiadas da **poetes chi viven in disterru** in ‘ogni parte 'e su mundu.

Ogni poete podet cuncurrer a una setzione solu e cun d-un’opera ebbia.

Sas poesias presentadas non si torran in segus e non sun ligadas a perunu dirittu de autore e su cumitadu las podet impreare pro ‘ogni tipu de impreu culturale sentza nudda dever a s’autore, **chi nde restat padronu.**

Sas operas han a benner prugadas da una giuria 'e judu chi hat assignare su 1° - 2° - 3° premiu pro setzione cun mentziones o signalatziones.

Su judisciu issoro non si potet mudare.

Sos binchidores tottu han a benner jamados in tempus pro sa die 'e sa festa chi pensamus de fagher dominiga 25 Austu 2013.

Sos poetes assentes sena motivu no han a retzire sos premios assignados chi abbarran de proprietade de su Comune de Puttumajore.

Su valore de sos premios assignados est su matessi pro sas tres setziones.

Chie non rispettat custas regulas perdet ‘ogni dirittu 'e cuncurrer a su premiu.

Prosighet su “Gemellaggio Letterario” tra su Premiu 'e poesia “Poete Jorzi Pinna” e s’”Associazione Culturale Sarda G. Deledda” de Pisa.

Sos binchidores de sa Setzione “Inz. Tinuccio Manca” han a benner jamados a presentare sas operas issoro in sinu a una festa culturale chi s’hat a fagher a Pisa in su mese 'e Sant’ Andria.

Pro informatziones podides giamare su numeru 3384529166.

Bos saludamos cun coro e ischedas chi sa presentzia 'ostra est pro tottu nois un onore mannu.

Su Sindigu

Tonino Pishedda

Su Presidente 'e su Premiu.

Antoni Maria Pinna